

正一法文天師教戒科經

力六

道以沖和為德以不和相尅是以天地合和萬物萌生華英熟成國家合和天下太平萬姓安寧室家合和父慈子孝天壽福慶賢者深思念焉豈可不和天地不和陰陽失度冬雷夏霜水旱不調萬物乾陸華葉焦枯國家不和君臣相詐強弱相陵夷狄侵境兵鋒交錯天下擾攘民不安居室家不和父不慈愛子無孝心大小忿錯更相怨望積怨含毒鬼亂神錯家致敗傷此三事之怨皆由不和天地不和陰陽錯謬災害萬物國家不和豪傑爭權禁令不行害及萬民室家不和禍起貪欲財利者忿怒相加以致災殃諸賢者所以反覆相解恐人說習非法來久躬行犯惡然後得罪不能發悟或懷怨望其過益深故重丁寧皆宜用心轉相勸進除去已往之惡修今來之善善積合道神定體安善怒不忿於心惡言不發於口醜聲不聞於耳邪色不視於目貪欲不專於意修行正身真氣來附邪惡皆去故過悉除新善自著諸欲奉道不可

不勤事師不可不敬事親不可不孝事君不可不忠己身不可不實教戒不可不從同志不可不親外行不可不愚內實不可不明語言不可不慎禍患不可不防明者不可不請愚者不可不教仁義不可不行施惠不可不作孤弱不可不卹貧賤不可不濟厄人不可不度生物不可殺伐惡事不可不避色欲不可不絕貪利不可不遠酒肉不可不節善人不可不敬惡人不可不勸也賢者深念之焉為人若不能與法戒相應身心又無功德欲求天福難矣修善得福為惡得罪罪至不自責先日過反呼奉道無益怨望皇天猶豫前却移心他念群輩翕習妖惑萬端結黨連群導趣邪偽陷入姦非惡人無知為行如此去道遠矣道之弘大方圓無外天網恢羅人處其中如大網捕魚魚為遊行網中豈知表有網也牽網便得放網乃脫人不知真道大神如魚之不知網也而惡人或欲捨真就偽偽伎卒劫登時或能有利利不久也叛道者所以不即受罰大道含弘愛惜人命聽恣其意

隨其所欲雖初快心後自當悔之深遠非愚俗所能明知道之視人如人之視蟲蟻道能殺人如人能殺蟲也道之好生惡殺終不殺也惡人為惡不止自有司神記其惡事過積罪滿執殺者自罰之道終不殺也諸賢者欲除害止惡當勤奉教戒不可違道以無為為上人過積但坐有為貪利百端道然無為故能長存天地法道無為與道相混真人法天無為故致神仙道之無所不為人能修行執守教戒善積行者功德自輔身與天通福流子孫賢者所樂愚者所不聞學者勉自殷勤天師設教施戒奉道明訣上德者神仙中德者倍壽下德者增年不橫夭也按戒為惡者乃不盡壽而橫夭也惡人痛哉賢者何不修善久視長生手雖不能及中德修下德治身世間斷絕愛欲反俗所為則與道合

一不得淫泆不止志意邪念勞神損精魂魄不守則痛害人

二不得情性暴怒心忿口泄揚聲罵詈誓盟呪詛呼天震地驚神駭鬼數犯不改積怨在

內傷損五藏五藏以傷病不可治又奉道者身中有天曹史兵數犯瞋恚其神不守吏兵上詣天曹白人罪過積罪成左契除生右契若死禍小者罪身罪多者殃及子孫

三不得侵奪合官拍賴於人專懷惡心心神五藏之主而專念惡事此一神不安諸神皆怒怒則刻壽最不可犯之不止其災害已

四不得穢身荒濁飲酒迷亂變易常性狂悖無防不知官禁為忌不知君父為尊為害溢口自詛索死發露陰私反迷不順淫于骨肉

○罵天罵地無底無對舉刃自守故天遂其殃自受其患

五不得貪利財貨財貨糞壤隨時而與下古世薄以財為寶專念求利賈賤貴賤伺候便宜欺誣百姓得所欲者心懷喜悅不得所欲者怨恨毒心或忿爭多少刀兵相賊違犯天禁不從戒戒貪欲愛財財者害身之饑身沒名滅何用財為

聞戒者翕然稱之言善謂不可犯背戒向利不自尊者忽然復動舉有履險道刃之巨大

命傾矣臨敗而欲悔罪定而稱善事失以過天道不赦財寶色欲陷目之錐害身之災賢者速之愚者樂之賢者坐起寐卧舉動行止深用自戒自戒身無變動其福明矣觀今奉道精專者萬無一人何以言之下古世薄時俗使然競相高上貪榮富貴仁義不行權詐為智父子相欺君臣相給轉相屬託貨賂實官黜退忠直任用佞邪厚姦結黨阿諛所親富貴相迫貪賤棄捐服飾車馬浮華顧俗君子小人皆共同然所以欣欣世間豈念道乎

○此輩愚人雖先休休不足願也所以者何愚人淺薄通有崇顯使驕奢盈溢施行過度恣心快意不慎法節道之清虛不受此輩神明遠之邪鬼侵之或有協備背真禱鬼求請天網恢恢其罰未行耳譬如炊熟火下以滅觀中餘氣未盡勢安得久惡人雖未過禍譬如餘氣耳諸賢者人之所大願以生年為貴人之所大惡以死終為賤豈不然乎天道平正以生賞善以死罰惡此吉凶禍福從窈冥中來禍災非富貴者求請而可避非會賤者守

窮而故罰修善者福至為惡者禍來國君雖有無極之寶臨危惜命傾城量金求生乞活豈復可得賢者貪賤不須強求富貴勞人精思廢人所存傲慢亂志使人不壽而人見富貴者心欲願之志欲存之勞心苦志得之不已若欲所求乞修身心道室家大小和同心意掃除燒香清淨嚴潔然具自開啟說其所欲道之降伏何所不消若願欲者實不用金帛貨賂不用人事求請不用酒肉祭禱直歸心於道無為而自得得之隨意則信為鬼立功脫物而已亦不用多而欲習効俗人皆道求請事事反矣欲得福願要當勤身精進晨暮清淨燒香坐起念之不廢所願福無不應好樂者得福無量不樂者自隨本心道至寬弘恣隨人耳唯賢者明焉念合精進追之恐不及愚者忽忽退然去之恐不達此賢愚不同也學者勉自勤請奉道之家或遇災異疾病死喪官符口舌以致不利何以然也皆由人愚奉法不勤雖知道專而欲奉之其情性施行與俗不別邪偽不除欲以邪偽干亂真

正終不可也邪與正如賊盜惡人見監伺更
藏竄無往不處豈可犯尊其氣自然不通如
何欲與邪相通也諸此人輩雖係名奉道真
道當祐道不受也而自謂屬道過失念厄病
痛著身雖望道擁護道不救也精邪惡鬼卒
所侵害道不為攝却而惡人懂愚殊不能尅
心改悔歸誠於道方更背戾呼道不神雖不
口言心內怨望此輩不莊事變易心腸巽懦
日月莫脫災免害萬不一脫執性了戾心腸
不改沒命之後悔復何及愚人痛哉

○賢者正心守道不可懈惰當以勤確愚者自
戒莊事勤修大道至專高而無上周圍無表
裏囊括天地制御衆神生育萬物蛸飛蠕動
含氣之類皆道所成所生道之威神何所不
集何所不消何所不伏把持樞機驅使百鬼
先天而生長守無窮人處其間年命奄忽如
眼目視瞬間耳而大道含弘乃懸人命短促
故教人修善上備者神仙中備者地仙下備
者增年道尊巍巍何求於人人不能感存道
恩精勤修善雖不能及中德之行下德當備

也而復不及下德違背真正不從教戒但念
愛欲富貴榮祿色利財寶飲酒食肉恣心快
意驕奢盈溢豈復念道乎○人不念道道不
念人人之若魚道之若水魚得水而生失水
而死道去人虛何望久生也要在精進存念
諸賢者欲得保身念行家居安完皆去先日
所犯過惡進修後善若見人有違失之行轉
相勸戒相教改悔其功報效應受福無量勿
謂道之無形不可見為欲傲慢輕易耳然欲
得恩福當事精勤晨夜清靜若有同義遇難
○疾病相救緩急相顧不得以智欺愚乘威詐
稱假託鬼神恐嚇厄人不得纒有小智稱名
自大輕忽愚人更相毀背背向妄論指摘賢
者不得私情貪狼敬貴恥賤樂富棄貧託望
愉氣愛憎二心欲隨情請福以為惠施道終
不從鬼不為使毀敗正法耳反受欲當同志
相求同法相好若男女不曉書疏者專心好
道可請明者聽誦經戒會在靜舍若堂上掃
除燒香澡洗潔淨男女別坐儼然正體安神
精思明聽勿妄華言傾邪不端遊心他念玩

隨睡寐勞體自疲虛苦無益若能如戒精進
不倦室家受福天曹吏兵自來護人終已無
有災患病痛也○萬物之中以人為貴人處
天地間皆知生之日而不知死來之日善人
惡人富貴貧賤各自謂壽命終年誰欲先窮
者人人所不樂也然惡人過積結罪罪滿作
病病成至死不自知唯修善者得福人生受
命制之在天天實不言故在聖人聖人隨世
惻隱不以常存故遺教戒戒者欲令人勸
進長生全身保命無窮人皆能奉法不倦何
○但保命乃有延年無窮之福此非富貴者貨
賂求請所能得通也亦非酒肉祭禱鬼神所
降致也道人賢者奉教戒精專勤身先苦
後報其福應也賢愚貴賤皆同亦願其所欲
耳唯道人執志故能以戒自檢行止舉動愛
欲之間守戒不違心無邪傾若見色利以戒
掩目若聞好惡之言以戒塞耳若食甘香之
美以戒杜口若願想財寶放情愛欲以戒挫
心若趨向姦非意欲惡事以戒折足守之不
廢可謂明矣當勸進愚冥者愚冥者不能承

用無如之何以道人常欲有好心善施惠故也天道授福○奉道精進要當勤身守之當久治志當堅精進專念莫有不先勞後報度身神仙故有揚公十五奉道六十未報修身不倦至年八十功滿行著福報無量諸賢者奉道莊事勤身當如飢渴欲得飲食如遇寒暑欲得易處如作極欲得休息如疲勞欲眠寐如願想欲有所得念道奉真欲得度身如念此諸所欲勉身如法不倦獲無災殃禍害病痛憂患何願不得何福不應也道出自然○先天地生號無上玄太上三炁混一為無上正真之道也道弘大包含天地變化萬神微布散在八極之外內潛毫毛之中成生萬物制御三天統三萬六千神大無不覆小無不入清虛無為故能長存含濁而不穢故為萬物母天道無親惟與善人善人保之以致神仙非富貴者求而能得貧賤者鄙而無與能專心好樂精誠思念修身行善則與道合然世人多愚好高浮偽遊身恣欲於群俗之間須臾之樂以快腹目終不能苦身勤念奉

道奉道但當精修功德謙讓行仁義柔弱行諸善清正無為初雖勤苦終以受福不與俗同如人但貪須臾之利命沒之後身為糞土魂神同朽道人與俗相去遠矣何以言之道人清正名上屬天俗人穢濁死屬地官豈不遠乎惡人守俗不念奉道可謂大迷也夫人各有眼目鼻口心意兩足其賢惡之行各異者目專視利色耳聽言之好惡鼻悅於甘香之氣口貪五味之美心專縱恣所欲兩足隨意導身趣向森非賢者不然且不視所好耳不外聽邪惡之言鼻不通臭香之氣口不樂滋味之美心不想可欲之快足不趨惡事為非此道人所行道人亦知諸所欲為快以戒制情故不犯惡善積行著與道法相應受福無極惡人所知惡速禍不能專戒與道相反何望得福若欲得福何不知道人乎奉道清正無為惟當精進修行積善耳亦無間為限亦無水火為難亦無貧賤見逆亦無豪強相奪亦無富貴爭進亦無作役負擔之苦何不壯事專精奉道勤身乎道人百行當備千善

當者雖有九百九十九善一善未滿中為利動皆棄前功治身開念守戒不廢乃得度世道人賢者可勤行焉

大道家令戒

大道者包震天地係養群生制御萬機者也無形無像混沌沌自然生百千萬種非人所能名自天地以下皆道所生殺也道授以微氣其色有三玄元始氣是也玄青為天始黃為地元白為道也三氣之中制上下為萬物父母故為至尊至神自天地以下無不受此氣而生者也諸長久之物皆能守道含氣有精神乃能呼吸陰陽道生天天生地地生人皆三氣而生三三如九故人有九孔九氣九氣通則五藏安五藏安則六府定六府定則神明神明則親道是故人行善守道慎無失生道生道無失德三三者不離故能與天地變易易稱有天地然後有萬物有萬物然後有男女有男女然後有夫婦有夫婦然後有父子父子者欲係百世使種姓不絕耳下古世薄多愚淺但愛色之樂淫於邪偽以成

耳目淫溢女色精神勃亂貪惜貨賂冷氣發上自生百病至於黃帝以來民多機巧服牛乘馬貨賂為官稍稍欲盡于五帝夏商周三代轉見世利秦始皇五霸更相尅害有賊死者萬億不可勝數皆由不信其道道乃世世為帝王師而王者不能尊奉至傾移顛殞之患臨危濟厄萬無一存道重人命以周之末世始出奉道於瑯琊以授于吉太平之道起於東方東方始欲濟民於塗炭民往往欲信道初化氣微聽得飲食陰陽化寬至於父母兄弟酌祭之神後道氣當布四海轉生西關由以太平不備悉當須明師口訣指謫為符命道復作五千文由神仙之要其禁轉切急指勅治身養生之要神仙之說付關令尹喜略至而世多惡心復悶悶死者如崩萬無有全西入胡授以道法其禁至重無陰陽之施不殺生飲食胡人不能信道遂乃變為真仙仙人交與天人浮遊青雲之間故翔弱水之濱胡人叩頭數萬真鏡照天兒頭剔髮願信真人於是真道興焉非但為胡不為秦秦人

不得真道五霸世衰赤漢承天道佐代亂出黃石之書以授張良道亦形變誰能識真漢世既定末嗣繼橫民人趨利強弱忿爭道傷民命一去難還故使天授氣治民曰新出老君言鬼者何人但畏鬼不信道故老君授與張道陵為天師至尊至神而乃為人之師汝曹輩足可知之為尊於天地也而故悶悶日一日月一月歲一歲貪縱口腹放恣耳目不信道死者萬數可不痛哉道以漢安元年五月一日於蜀郡臨邛縣渠亭赤石城造出正一盟威之道與天地參要立二十四治分布玄元始氣治民汝曹輩復不知道之根本真偽所出但競貪高世更相貴賤違道叛德欲隨人意人惡樂亂使張角黃巾作亂汝曹知角何人自是以來死者為幾千萬人邪道使末嗣分氣治民漢中四十餘年道禁真正之元神仙之說道所施行何以想爾

救汝曹之命或決氣相語或有故臣令相端正而復不信甚可哀哉欲朝當先暮欲太平當先亂人惡不能除當先兵病水旱死汝曹薄命正當與此相逼雖然吉人無咎昔時為道以備今來耳未至太平而死于孫當蒙天恩下世浮薄持心不堅新故民戶見世知變便能改心為善行仁義則善矣可見太平度脫危難之中為後世種民雖有兵病水害之災臨危無故故曰道也子念道適合子子不念道不念子也故民請職男女汝曹輩莊事修身潔已念師奉道世薄乃爾夫婦父子室家相守當能久而不能相承事清貞孝順道敬師禮鬼從神乎今已去天下之擾擾如羊四方兵病惡氣流行念今日之善尊天敬神愛生行道念為真正道即愛子子不念道道即遠子卒近災害慎無復悔悔當若在後身吾晨夜周流四海之內行於八極之外欲令君仁臣忠父慈子孝夫信婦貞兄敬弟順天下安靜故民渾濁日久雖聞神仙之語長生之言心迷意惑更懷不信或行善未知真

正惡惡相救邪邪相傳不自屏惡更相誘誑君臣爭勢父子不親夫婦相相兄弟生分因公行私男女輕淫違失天地敗亂五常外是內非亂道紀綱至今三天恚怒殺氣縱橫五星失度太白揚光變風冬雷擊宇低昂天無懸像以示人人不信道道惑死者當氣在幽谷妙真自吾所作黃庭三靈七言皆訓喻本經為道德之光華道不欲指形而名之賢者見一知萬譬如識音者道在一身之中豈在他人乎汝曾學善夫根本不承經言邪邪相教就偽善真吾皆錄短紙雜說邪文悉令消之祭酒無狀故俾挾深藏于今常存使今世末學之人好尚浮說指偽名真此皆犯天禁必當中傷終不致福也但勞汝耳無事自勤苦不如任心恣意以快汝不須為天考不須輕易官法也化以太平人當助天為太平之行天聰明自我民聰明中五正則二五定亦從人為嚮應耳諸新故民戶男女老壯自今正元二年正月七日已去其能壯事守善能如要言臣忠子孝夫信婦貞兄敬弟順內

無二心便可為善得種民矣種民雖中亦當助其力若好生樂道無老壯端心正意助國扶命善惡神明具自知之不可復為妄想或以邪偽之人言言我知道以道教人諸職男女官皆所拜署今在無幾自從太和五年以來諸職各自置置不復由吾氣真氣領神選舉或聽決氣信內人影夢或以所奏或迫不得已不按舊儀承信特說或一治重官或職治空決受職者皆濫對天地氣候理三官文書事身厚食○奉及諸閭官無文書之職皆當隨時坐起名荷天官常處神明之坐以備世俗非忠臣孝子之道曾不知悉語聞災責已知達災過害知反怨妄言奉道無益此乃有罪三千從爾如已也吾昔勤勤憂濟汝曹之命欲令見太平耳而復求太平耶昔漢嗣末世豪傑縱橫強弱相陵人民詭譎男女輕淫法政不能濟家不相禁抄盜城市怨枉小人更相僕役蠶食萬民怨怒亂逆氣干天故今五星失度等字上掃火星失輔強臣分爭群姦相將百有餘年魏氏承天驅

除歷使其然哉在河維懸象垂天是吾順天奉時以國師命武帝行天下死者填坑既得吾國之光赤子不傷身重金累紫得壽遐亡七子五侯為國之光將相掾屬侯封不少銀銅數千父死子係弟亡兄榮沐浴聖恩漢草豈誌德知真所從來乎昔日開門教之為善而反不相聽從今吾避世以汝付魏清政道治千里獨行虎狼伏匿不閉門姦臣小豎不知天命逆順強為妖妄違者輒凶及于子孫汝輩豈知其原邪從比年以來四方疾病掃除群凶但被惡人耳其守道樂善天自護之如赤子臨危度脫如舌之避齒汝曹豈復知之耶諸職自今以後不得妄自署置為職也復違吾中傷勿怨祭酒治病病來復差既差復病此為惡人勿復醫治之但當戶戶自相化以忠孝父慈子孝夫信婦貞兄敬弟順朝暮清淨斷絕貪心棄利去欲改更惡腸憐貧愛老好施出讓除去淫妬善怒情念常和同腹目助國壯命棄往日之惡從今日之善行災消無病得為後世種民民勿怨貧苦食

富樂尊貴汝耳目聞見從古以來富貴者久
 手財素於地身死於市以此觀之故諺言死
 人不如生鼠得之在命求之以道道隱無名
 名者伐身之斧善行無轍迹欲令人不見其
 蹤迹為道當治身養生求福耳而教人以縱
 已縱已則人見其迹伐身之斧利矣伐身之
 斧利則福去而禍來可不慎歟可不畏歟天
 地所以長久者以其無為無為者無不為也
 但使人不見其有迹乃能為奇耳俗人輩汝
 曹狀可笑也縱有小善欲使人知之縱有粉
 米之異欲使人賢之此皆非道之益已皆犯
 禁矣今傳吾教令新故民皆明吾心勿相負
 也

天師教

今故下教作七言謝諸祭酒男女民天地混
 籍氣如烟四時五行轉相因天地合會無人
 民星辰倒錯為人先二十八宿畢參辰熒惑
 太白出其間若有改變垂象先太平之基不
 能眠是令軼軻不可言發言出教心意煩走
 氣八極周復還觀視百姓夷胡秦不見人種

但尸民從心恣意勞精神五藏虛空為尸人
 命不可贖屬地官身為鬼伍入黃泉思而改
 悔從吾言可得升度為仙人節慎陰陽保愛
 神五藏六府有君臣積在微微為真人神思
 愁慘不能眠遊戲百姓五藏間還與真人共
 語言心中真人來上天絳黃單衣三縫冠佩
 天玉符跪吾前陳說百姓道萬民功過進退
 有明文

陽平治

教謝二十四治五氣中氣領神四部行氣左
 右監神治頭祭酒別治主者男女老壯散治
 民吾以漢安元年五月一日從漢始皇帝王
 神氣受道以五斗米為信欲令可仙之士皆
 得升度汝曹輩乃至爾難教巨與共語反是
 為非以曲為直千載之會當奈汝曹何吾從
 太上老君周行八極按行民間選索種民了
 不可得百姓汝曹無有應人種者也但貪榮
 富錢財穀帛錦綺絳綿以養妻子為務掠取
 他民尸賦斂索其錢物掠使百姓專作民尸
 修農鍛私以養妻奴自是非他欲得功名榮

身富已苟貪錢財室家不和姑始為先男女
 老壯更相說道轉相誹謗溢口盈路背向異
 辭言語不同轉相說始不恤鬼神以憂天道
 令氣錯亂罪坐在阿誰各言秘教推論舊事
 吾不能復忍汝輩也欲持汝輩應文書頗知
 與不祭酒主者男女老壯各爾憤憤與俗無
 別口是心非人頭蟲心房室不節縱恣淫情
 男女老壯不相呵整為爾憤憤群行混濁委
 託師道老君太上推論舊事攝綱舉網前欲
 推治諸受任主者職治祭酒十人之中誅其
 三四名還天曹考掠治罪汝輩慎之氣將欲
 急遠不過一年二年三年之中當令汝曹聞
 知當令汝輩眼見可不慎之諸祭酒主者中
 頗有舊人以此不從建安黃初元年以来諸主
 者祭酒人人稱教各作一治不復按舊道法
 為得爾不令汝輩按吾陽平鹿堂鶴鳴教行
 之汝輩所行舉舊事相應與不吾有何急
 急轉著治民汝氣下教語汝曹輩老君太上
 轉相督欲令汝曹人人用意勤心努力復自
 一勸為道盡節勸化百姓

天師五言牽三詩

牽三復牽一披雲朗白日三災蕩穢系約富
被中出

牽三復牽二榮華不足利若欲入五難必令
精誠至

牽三復牽三酒肉不足甘洗濯素絲質昇苦
就朱藍

牽三復牽四妙法冥中秘希仰神靈降一心
莫有二

牽三復牽五道士出蓬戶脫落形骸中淵玄
誰能規

牽三復牽六年往不可透雖無骨間分訓之
故宜易

牽三復牽七希仰入九室披袿就靈訓諠然
萬事畢

大道妙不遠弘之當由人忠信成一氣可得
脫度身

三災運已促宜早去利欲中情漸堅固災厄
便得度

心軍宜詳除勉力可為則既得過五難衆願

咸可得

恨無自然分縷綿流俗間仰意歸長生庶得

廁群賢

正一法文天師教戒科經

正一天師清微弟子 洪百堅 製作

道教學術資訊網站

女青鬼律卷之一二

力七

律曰天地初生元氣施行萬神布氣元有醜

逆秋邪不正之鬼男孝女貞君禮臣忠六合

如一无有惠害自後天皇元年以來轉生百

巧不信大道五方逆親疫氣漸興虎狼萬獸

受氣長大百蟲蛇鬼與日滋甚天有六十日

日有一神神直一日日有千鬼飛行不可禁

止大道不禁天師不勒放縱天下凶凶相逐

唯任殺中民死者千億太上大道不忍見之

二年七月七日日中時下此鬼律八卷紀天

下鬼神姓名吉凶之術以勅天師張道陵使

勅鬼神不得妄轉東南西北後有道男女生

見吾秘經知鬼姓名皆言萬鬼不干千神賓

伏奉行如律不得妄傳非其人傳非其人災

流七世勿怨道教師紀姓名譜曰

高天萬丈鬼百鬼中皇姓係天六方鬼之主

住在太山東南角道水中諸死人所歸鬼亦

上天對問考罰月一上古以來已三萬六

千餘年如有三萬六千神與鬼等數

南鄉三老鬼俗五道鬼姓名名匠主諸死人